

## KERATAN AKHBAR

TARIKH : 25 JANUARI 2023  
AKHBAR : BERITA HARIAN  
MUKA SURAT : 2

### Malaysia-Brunei tingkat potensi kerjasama serantau

# Malaysia-Brunei tingkat potensi kerjasama serantau

Dua negara teroka bidang baharu termasuk industri makanan halal



Peralihan pasca pandemik COVID-19 membawa nafas baharu dalam hubungan Malaysia-Brunei apabila kedua-dua negara melihat ruang besar boleh diteroka bersama, susulan perubahan dari segi rangkaian penawaran peringkat global.

Ia diperkuuh dengan pelbagai krisis bekalan yang turut menjaskani rantau ASEAN akibat pergolakan Russia-Ukraine yang belum menampakkan tanda untuk reda sehingga kini.

Menyedari hakikat idea globalisasi turut dicabar oleh peperangan dua negara itu dan banyak permintaan gagal dipenuhi, Menteri Luar, Datuk Seri Dr Zamby Abdul Kadir, berkata Malaysia dan Brunei sepatut mengoptimalkan kerjasama peringkat rantau demi manfaat bersama negara wilayah ini.

"Kerjasama peringkat rantau

alah potensi baharu wajar dibangunkan dan ASEAN boleh berperanan secara proaktif bagi menentukan penawaran dalam kalangan negara anggota tidak terganggu.

"Pergerakan dan logistik berangan serta perkhidmatan dapat dilakukan dalam rantau ASEAN dengan lebih mudah, maknanya tidak perlu terlalu bergantung kepada sumber yang terlalu jauh jaraknya.

"Banyak ruang kerjasama boleh diteroka bersama Malaysia dan Brunei kerana kerjasama peringkat ASEAN bakal memberi pelbagai nilai tambah, selain meningkatkan kesenjangan ekonomi," katanya kepada media Malaysia selepas bertemu Menteri Luar Negeri Kedua Brunei, Datuk Seri Erywan Mohd Yusof, semalam.

#### Bakal tandatangani MoU

Zamby berada di sini bagi mengiringi Perdana Menteri, Datuk Seri Anwar Ibrahim dalam lawatan rasmi dua hari, berkata memorandum persefahaman (MoU) bakal ditandatangani hari ini dapat merancakkan pertumbuhan ekonomi dua negara berjiran.

Katanya, MoU di antara Lembaga Pembangunan Pelaburan Malaysia (MIDA) dan Lembaga Pelaburan Brunei (BIA) itu, membatik ekonomi digital, minyak dan gas, pembuatan pintar, kecerdasan buatan, pertanian pintar, pelancongan serta industri makanan dan minuman.

Beliau berkata, Kementerian

Perdagangan Antarabangsa dan Industri (MITI) akan meneroka bidang baharu dan sedia ada untuk mencipta ruang kerjasama berkenaan, termasuk prospek industri makanan halal yang luas bidangnya.

"Pelaburan bersama kedua-dua negara untuk membangunkan industri ini boleh dilaksanakan dengan baik.

"Pensijilan industri halal akan memberi impak baik, sekali gus menjadikan Malaysia dan Brunei antara dihormati dalam aspek pentuanan halal produk makanan," katanya.

Tahun lalu, Brunei rakan dagang ke-26 terbesar Malaysia dan keenam terbesar di ASEAN, dengan dagangan bernilai RM13.2 bilion.

Zambri memaklumkan, beliau dan Erywan membincangkan beberapa perkara berkaitan ASEAN dan usaha mempertingkat hubungan serantau secara bersama, selain Konsensus Lima Perkara bagi memastikan proses demokrasi dapat dilaksanakan di Myanmar serta kerjasama yang perlu dipelihara dalam konteks ASEAN.

Sebelum ini, ASEAN menggesa tentera Myanmar segera melaksanakan Konsensus Lima Perkara sepenuhnya, bekerjasama dengan ASEAN dan bakal Duta Khas Pengurus ASEAN di Myanmar untuk mencapai kemajuan ketara, termasuk memberi akses kepada duta khas bertemu semua pihak terbabit di Myanmar.